



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CLXVIII. Quod Procurator Generalis, & Superior Conventus Manilensis
Provinciae Philippinorum Ordinis Eremit. S. Augustini, suffragium ferre
possint in Capitulis Provincialibus.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

Tum in Italia & Insulis adjacentibus.

prout unicuique suggeret devotio, erogaverint; Cæteris vero in universa Italia, & Insulis illi adjacentibus degentibus, qui Ecclesias ab Ordinariis Locorum, vel eorum Vicariis, seu Officialibus, aut de eorum mandato, & ipsis deficientibus, per eos qui ibi curam animarum exercent, postquam ad eorum notitiam hæ Nostra pervenerint, designandas, vel Ecclesiarum huiusmodi aliquam spatio duarum similiter hebdomadarum a publicatione designata per Ordinarios, vel eorum Vicarios, seu Officiales, vel alios, ut præfertur, faciendæ decursurarum saltem semel visitaverint, ibique, ut supra, oraverint, ac quarta, & sexta feria, ac Sabato alterius ex hebdomadis huiusmodi jejnaverint, pariterque peccata sua confessi, ac in die Dominica immediate sequenti, vel alia die intra eandem hebdomadam Sanctissima Communione refecti fuerint, & pauperibus aliquam elemosynam, ut præmittitur, erogaverint, plenissimam omnium peccatorum suorum indulgentiam, & remissionem, sicut in anno Jubilæi visitantibus certas Ecclesias intra, & extra Urbem prædictam concedi consuevit, tenore præsentium concedimus, & elargimur.

Pro navigantibus, & iter agentibus.

§. 2. Navigantes vero, & iter agentes, ut cum primum ad sua sese domicilia susceperint, superscriptis peractis, & visitata Ecclesia Cathedrali, vel majori, aut Parochiali Loci eorum Domicilii, eandem Indulgentiam consequi possint, & valeant: Regularibus autem personis utriusque sexus, etiam in Claustris perpetuo degentibus, necnon aliis quibuscumque tan Laicis, quam Ecclesiasticis Sæcularibus, vel Regularibus, etiam in carcere, & captivitate existentibus, vel aliqua corporis infirmitate, seu alio quocumque impedimento detentis, qui supra expressa, vel eorum aliqua præstare nequiverint, ut illa Confessarius ex jam approbatis a Locorum Ordinariis ante præsentium publicationem, seu approbandis, eis in alia pietatis opera commutare, vel in alium proximum tempus prorogare possit, eaque injungere, quæ ipsi poenitentem efficere poterunt, pariter concedimus, & indulgemus.

Pro Regularibus, aliisque in Claustris degentibus.

Et in carcere, & captivitate existentibus, vel alia re impeditis.

§. 3. Insuper præfatis omnibus, & singulis Christianis utriusque sexus tam Laicis quam Ecclesiasticis sæcularibus, & Regularibus, cuiusvis Ordinis, Congregationis, & Instituti tam in Urbe, quam in universa Italia, & Insulis ei adjacentibus prædictis, ut præfertur, degentibus licentiam concedimus, & facultatem, ut sibi ad hunc effectum eligere quemcumque Presbyterum Confessarium tam sæcularem, quam cuiusvis Ordinis, & Instituti regularem ex approbatis, ut præmittitur, a Locorum Ordinariis, qui eos ab excommunicationis, suspensionis, & aliis Ecclesiasticis sententiis, & censuris a jure, vel ab homine quavis causa latis, seu inflictis, necnon ab omnibus peccatis, excessibus, criminibus, & delictis quantumvis gravibus, & enormibus, etiam Locorum Ordinariis, sive Nobis, & Sedis Apostolicæ, etiam in Literis die Cænz Domini legi solitis contentis, & alias per quascumque Nostras, & Romanorum Pontificum prædecessorum Nostrorum Constitutiones, quarum tenores præsentibus haberi volumus pro expressis, quomodocumque reservatis, in foro conscientie, & hac vice tantum absolvere, & liberare valeant, & insuper vota quæcumque (Religionis, & Castitatis exceptis) in alia pia, & salutaria opera commutare, injuncta tamen eis, & eorum cuilibet in suprascriptis omnibus casibus poenitentia saluari, aliisque ejusdem Confessarii arbitrio injungendis.

Conceditur Confessariis amplissima facultas absolvendi a quibuscumque peccatis, necnon vota dispensandi.

Præcipitur publicatio harum Literarum.

§. 4. Quapropter tenore præsentium in virtute sanctæ obedientie districte præcipimus, atque mandamus omnibus, & singulis Venerabilibus Fratibus Patriarchis, Archiepiscopis,

Episcopis, & aliis Ecclesiarum Prælati, ac quibuscumque Ordinariis Civitatum, & Diocesium, Oppidorum, Terrarum, & Locorum Italia, & insularum ei adjacentium huiusmodi, eorumque Vicariis, & Officialibus, vel iis deficientibus, illis, qui curam animarum exercent, ut cum præsentium Literarum transumpta, aut exempla, etiam impressa, acceperint, illa statim absque ulla mora, retardatione, vel impedimento per suas Ecclesias, & Dioceses, Provincias, Civitates, Oppida, Terra, & Loca publicent, & publicari faciant, Ecclesiamque, sive Ecclesias visitandas designent.

§. 5. Non intendimus autem per præsentem super aliqua irregularitate publica, vel occulta, nota, defectu, incapacitate, seu inhabilitate quoquo modo contractis dispensare, vel aliquam facultatem tribuere dispensandi, seu habilitandi, & in pristinum statum restituendi, etiam in foro conscientie; neque etiam easdem præsentem iis, qui a Nobis, & Apostolica Sede, vel ab aliquo Prælato, seu Iudice Ecclesiastico excommunicati, suspensi, interdicti, seu alias in sententias, & Censuras incidisse declarati, vel publice denunciati fuerint, nisi intra tempus dictarum duarum hebdomadarum satisfecerint, aut coram partibus concordaverint, ullo modo suffragari posse, aut debere.

§. 6. Non obstantibus Constitutionibus, & Ordinationibus Apostolicis, præsertim quibus facultas absolvendi in certis tunc expressis casibus, ita Romano Pontifici pro tempore existenti reservatur, ut nec etiam similes, vel dissimiles Indulgentiarum, & facultatum huiusmodi concessiones, nisi de illis expressa mentio, aut specialis derogatio fiat, cuiquam suffragari queant, necnon regula nostra de non concedendis Indulgentiis adinstar, ac quorumcumque Ordinum, & Congregationum, sive Institutionum regularium, etiam Juramento, confirmatione Apostolica, vel quavis firmitate alia roboratis Statutis, & consuetudinibus; privilegiis quoque, Indultis, & Literis Apostolicis eisdem Ordinibus, Congregationibus, & Institutis, illorumque personis quomodolibet concessis, approbatis, & innovatis. Quibus omnibus, & singulis, etiam de illis, eorumque totis tenoribus, specialis, specifica, expressa, & individua, non autem per clausulas generales idem importantes mentio, seu quavis alia expressio habeatur, aut aliqua alia exquisita forma ad hoc servanda foret, illorum tenores præsentibus pro sufficienter expressis, ac forma in eis tradita observata habentes, hac vice specialiter, nominatim, & expresse ad effectum præmissorum derogamus, cæterisque contrariis quibuscumque.

§. 7. Ut autem præsentem Nostræ Literæ, quæ ad singula loca deferri non possunt, ad omnium notitiam facilius deveniant, volumus, ut earumdem præsentium transumptis, vel exemplis, etiam impressis, manu alicujus Notarii publici subscriptis, & sigillo Personæ in dignitate Ecclesiastica constitutæ munitis, eadem prorsus fides habeatur, quæ haberetur ipsi præsentibus, si forent exhibitæ, vel ostensæ.

Datum Romæ apud Sanctum Petrum sub annulo Piscatoris die secunda Jan. MDCCXXVIII. Pontificatus Nostri anno quarto.

Confirmatur Indultum, seu Determinatio Provincie Philippinarum Ordinis Eremitarum S. Augustini, ut Procurator Generalis, & Superior Conventus Manilensis dictæ Provincie suffragium ferre possint in Capitulis Provincialibus.

Declaratur quedam modo pensari potest nec absolvi.

Derogatur

Fides habenda transumptis.

CLXVIII.

*De voto Fratrum Con sanguineorum in Capitulis
eiusdem Ord. vide Inn. XIII. Const. ed. 1723.
Sept. 20. P. 3.*

BENEDICTUS PAPA XIII.

Ad perpetuam rei memoriam.

Dat. 26. Jan.
1728. An. 4.

Facti exposi-
tio.

EXponi Nobis nuper fecerunt dilecti filii
Prior Provincialis, & Diffinitorum Pro-
vinciæ Philippinarum Ordinis fratrum Eremitarum
Sancti Augustini, quod ab immemorabili
tempore, & forsitan a primæva dictæ Provinciæ
fundatione, attenta Religiosorum Vocalium pau-
citate, & ratione alicujus Indulti, seu ipsius
Provinciæ determinatione, cautum reperitur,
quod Procurator Generalis, & Superior Con-
ventus Manilensis præcipui, & Principalis in
dicta Provinciâ vocem, & votum habeant in
Capitulis Provincialibus, cujus tamen Indulti,
seu determinationis memoria minime reperitur.
Cum autem, sicut eadem Expositio subjunge-
bat, in Provinciâ hujusmodi Religiosi ad Mis-
siones & munera Parochialia deputandi sint,
multaque alia Officia distribui debeant, paucique
existant Priores, & nullus adit Magister, qui
vocem habeant in Capitulis, ipsi Exponentes ad
majorem Indulti, seu determinationis hujusmo-
di validitatem, & conscientiam quierem illa per
Nos approbari, & confirmari summopere desi-
derent. Nobis propterea humiliter supplicari
fecerunt ut sibi in præmissis opportune provide-
re, & ut infra indulgere de benignitate Aposto-
lica dignaremur.

Preces Fra-
trum Provin-
ciæ prædi-
ctæ.

§. 1. Nos igitur ipsos Exponentes specialibus
favoribus, & gratiis prolequi volentes, & eo-
rum singulares personas a quibusvis excommu-
nicationis, suspensionis, & Interdicti, aliisque
Ecclesiasticis sententiis, censuris, & penis a
Jure, vel ab homine quavis occasione, vel cau-
sa latis, si quibus quomodolibet innodata exi-
stunt, ad effectum præsentium dumtaxat con-
sequendum, harum serie absolventes, & ab-
solutas fore censentes, hujusmodi supplicatio-
nibus inclinati, Indultum, seu determinatio-
nem, per quæ Procurator Generalis, & Supe-
rior Conventus Manilensis prædicti vocem, &
Votum habent in Capitulis Provincialibus, ut
præfertur, auctoritate Apostolica tenore præ-
sentium confirmamus, & approbamus, illisque
inviolabilis Apostolica firmitatis robur adjicimus,
ac omnes, & singulos juris, & facti defectus, si
qui desuper quomodolibet intervenerint supplē-
mus; itaut iidem Procurator Generalis, & supe-
rior eorumque in prædictis muneribus successores
in perpetuum in memoratis Capitulis Provincia-
libus prædictæ Provinciæ Philippinarum suffra-
gium ferre possint, & valeant.

Confirmatio
Indulti, seu
determina-
tionis prædi-
ctæ.

§. 2. Decernentes ipsas præsentis literas firmas,
validas, & efficaces existere, & fore, suosque
plenarios, & integros effectus sortiri, & ob-
tinere, ac iisdem exponentibus, aliisque, ad
quos spectat, & pro tempore quodcumque
spectabit in omnibus, & per omnia plenissime
suffragari, & ab eis respectivo inviolabiliter ob-
servari, sicque in præmissis per quoscumque Ju-
dices Ordinarios, & Delegatos, etiam Casarum
Palatii Apostolici Auditores judicari, & definiri
debere, ac irritum, & inane, si secus super his a
quoquam quavis auctoritate scienter, vel igno-
rante contigerit attentari.

Clausulæ.

§. 3. Non obstantibus præmissis, ac Constitu-
tionibus, & Ordinationibus Apostolicis, necnon
quatenus opus sit prædictorum Conventus, Pro-
vinciæ, & Ordinis, etiam Juramento, Confir-
matione Apostolica, vel quavis firmitate alia
roboratis statutis, & consuetudinibus; Privi-
legiis quoque, Indultis, & literis Apostolicis in
contrarium præmissorum quomodolibet con-

firmatis, & innovatis. Quibus omnibus, &
singulis illorum tenores præsentibus pro plene,
& sufficienter expressis, ac de verbo ad verbum
insertis habentes, illis alias in suo robore per-
mansuris, ad præmissorum effectum hac vice
dumtaxat specialiter, & expresse derogamus,
cæterisque contrariis quibuscumque.

Datum Romæ apud Sanctum Petrum sub Anno
Piscatoris die xxvi. Jan. MDCCXXVIII. Ponti-
ficatus nostri anno IV.

Præcipitur universis Fratribus Discalceatis Beate
Mariæ de Mercede Redemptionis Captivorum,
ut Cantum Gregorianum dumtaxat in Choro
adhibeant.

CLXIX.

*De uniformitate in Cantu Gregoriano servanda a
Fratribus Eremitis S. Augustini quarundam Pro-
vinciarum vide aliam hujus ed. 1726. Jan. 22.
P. 2.*

BENEDICTUS PAPA XIII.

Ad futuram rei memoriam.

Dat. 28. Jan.
1728. An. 4.

§. 1. **C**um sicut accepimus Provinciâ Si-
ciliæ, & Italiæ, ac totus Ordo Fra-
trum Discalceatorum Reformatorum Beate Ma-
riæ de Mercede Redemptionis Captivorum mul-
tum detrimenti patiantur ex causa Cantus in
Choro, quippe qui sine notis, & concentu ad-
hibetur, & valde laboriosam, molestamque ad-
miracionem ita inducit, ut nonnulli Religiosi
ab assistentia Chori sese abtineant. Hinc est,
quod Nos hisce inordinationibus pro Pastoralis
Officii nostri debito remedium afferre volentes
Motu proprio, ac ex certa scientia, & matura
deliberatione Nostris, deque Apostolica pote-
statis plenitudine dilectis filiis Ministro Generali,
Provincialibus, Prioribus, & universis Fratribus
Discalceatis dicti Ordinis Beate Mariæ de Mercede
nunc, & pro tempore existentibus, ut ipsi de cæ-
tero Cantum Gregorianum tantum in Choro om-
nino adhibere teneantur, tenore præsentium
præcipimus, & mandamus.

Causæ præ-
sentis Consti-
tutionis.

§. 2. Decernentes ipsas præsentis literas semper
firmas, validas, & efficaces existere, & fore,
suosque plenarios, & integros effectus sorti-
ri, & obtinere, nec de subreptionis, vel ob-
reptionis, aut nullitatis vitio, seu intentionis
nostræ, aut interesse habentium consensus, alio-
que quolibet defectu notari, impugnari, in-
fringi, retractari, seu in controversiam vocari,
aut ad terminos Juris reduci posse, sicque
in præmissis per quoscumque Judices Ordina-
rios, & Delegatos, etiam Casarum Palatii
Apostolici Auditores judicari, & definiri debere;
ac irritum, & inane, si secus super his a quo-
quam quavis auctoritate scienter, vel ignoranter
contigerit attentari.

Præceptum
prædictum
motu proprio
emanatum.

Clausulæ.

§. 3. Non obstantibus præmissis, ac Constitu-
tionibus, & Ordinationibus Apostolicis, nec-
non quatenus opus sit dicti Ordinis, etiam Jura-
mento, confirmatione Apostolica, vel quavis
firmitate alia roboratis statutis, & consuetudi-
nibus; privilegiis quoque, indultis, & literis
Apostolicis in contrarium præmissorum quomo-
dolibet concessis, confirmatis, & innovatis,
Quibus omnibus, & singulis illorum tenores
præsentibus pro plene, & sufficienter expressis,
ac de verbo ad verbum insertis habentes, illis
alias in suo robore permansuris, ad præmissorum
effectum, hac vice dumtaxat specialiter,
& expresse derogamus, cæterisque contrariis
quibuscumque.

§. 4. Volumus autem, ut earumdem præ-
sentium literarum transumptis, seu exemplis,

Fides habenda
transumptis.